

養素堂文集

養素堂文集卷二十五

老威張 澍介侯

傳二

明伏羌侯毛老勇公傳

公姓毛名忠字允信涼州府老威人父寶官百戶公生而
雄傑饒膂力精騎射刺擊尤軼倫成化九年公方弱冠代
寶領兵從擊賀蘭山寇被羽先登突陳禽其酋也先土干
王及其部曲甚眾敵人波賊遠徙論功襲父職爲百戶于
永昌衛屢從征討靡壘舉旗頻箸伐多當矢石雨集奮身
不避未嘗敗衄素功封伏羌伯西人依賴皆謂之曰長城

成化戊子秋固原寇陸梁邊氓受荼毒甚慘公討之攻瑕陷堅破其要害敵可盡殲矣忽中流矢以沒而寇覩亦遂寢弱不復爲患訃聞憲廟震悼賜祭葬贈伏羌侯謚忠勇自公歿後三十餘年西人哀息之如一日輒潸然曰奈何公竟舍我而不永輯我方域耶一遇寇警則曰安得如我公者何么磨之敢侮耶或罹蹂躪則又曰安得起我公於九原揮劍鳴鏑翦彼小醜雪我輩之仇恨耶故每飲食必祭動息必祝有徵發必祈其默祐人心孚敬之深如此非公壯猷之克綏愛之厚其能彊之耶人士相率以建祠請守臣上聞制曰可賜額曰忠勇仍謚名乃建祠於甘肅東

鄣弼治十二年四月二十二日畢工巡撫周瑞甸侍講學士盱江張昇爲祠記其文疏畧鄙陋無以侔公功余是以別爲之傳以厲差臣之効命疆場者

誥授通奉大夫山西布政使司布政使王小邨傳

君名廷鸞字小邨陝西同州府大荔縣人與余乾隆甲寅嘉慶己未鄉會同榜也獲薦後以主事用籤掣兵部陞員外郎郎中轉江南道監察御史奉

命稽查祿米倉管理街道事務

簡放江西建昌府知府旋丁母憂服滿

授直隸河間府知府值

皇上謁

西陵

行宮召見奏對稱

旨特調保定府知府陞大名道調補通永道陞署長蘆鹽運司旋

授直隸按察使既而擢山西布政使道光七年五月十三日
以積勞卒於位得年六十有二君性孝友父繼謨早歿
君以不逮祿養爲恨歲時祭享思慕感慘如將見之事母
張太恭人柔聲怡色萱堂歡愉待胞兄夢蘭夢楠式好無
間處從昆弟親愛無違言由京職歷外任知人疾苦習人

劇易又屏絕苞苴門無私謁所至整飭書院勤課士子親自批閱常捐膏火獎厲訓以祗品多所成就守河閒值水苗請帑賑濟親歷各邑詳查戶口必期實惠及民大名縣蝗蝻蔽野躬督驅捕田穉無害巡大名時山東臨清界匪從馬進忠斂錢惑眾奉

勅查拏嚴懲首惡開釋無辜甚多官臬司值秋審必悉心鞫問務得實情常秉燭危坐檢閱案牘通宵不倦官布政使時慎重國帑軍儲國計必詳加稽攷值西陲用兵采買橐它躬自臨視遂感風寒不起其克勤厥職也如此然余所心折者固有在也同年馬樹堂綏德人官刑部主事曩

疾卒貧甚無以爲斂君慨助衣衾棺槨之具復告伙於同人得二千餘金將返柩於其鄉君念樹堂所遺幼子方彌月持多金歸本族必爭財則孤兒且不可保君乃以數百金付樹堂族弟歸葬自留兒護養履乳母乳之凡疾痛癢飮食燥溼縑襦浣濯皆夫人楊氏躬親之兒有疾即大感延醫診視焚禱祝於神以冀速痊情意誠摯雖所生不啻也愈則大喜如是者十餘季延師課讀不令曠廢日月學漸有成爲之娶直隸任丘知縣康君錫新之女今孤兒入大興縣學舉於鄉爲副貢矣以余歷觀史書所載撫友朋之嗣始終不渝如君者殆難其人而君優爲之豈非古

所稱善人者耶嗚乎不可及也已子三人長髯三現任甘肅岷州知州次盱江次鴻乙均業儒

張介侯曰余嘗宰屏山署篆陳某貪酷病民民大憤泉余旋任控者數千牒又攪財逼死十六人命賊贏巨萬恐余之揭之也則捏端通稟爲先發制人之謀迫余據實通詳則大府洞駭刪改情節蒙混入奏而其黨實繁咸狃狃焉磨牙欲噬君時爲御史聞之恐余受羣小之毒螫也欲以其原案上聞會余事得直寓書止之不果奏嗚乎君之篤於友誼也如此豈獨存孤一事爲僅見也哉

山東安丘縣知縣謝蓮湖傳

公謝姓名葆灝字雨甘又字蓮湖涼州鎮番縣人乾隆辛卯科舉於鄉丁未大挑一等分發山東以知縣用署臨朐篆補安丘縣缺甲寅歲舉卓異引

見回任候陞旋丁父艱又接丁周孺人艱服闋領咨赴選訪友東明以微疾卒年六十又六時嘉慶庚午十二月初五日也方公之宰安丘也勤於民事字良芟蝨無時豫怠常篝燈閱訟牒至夜半凡廢弛之事極力振刷合邑頌之尤善斷獄鄰縣有疑案大府輒檄委鞠讞多所平反明允稱一時歲丁亥青州府屬縣季穀俱不登獨安丘禾有雙歧灘上蝗生數十畝烏食之盡又碩鼠見西山犬爭斃之

說者謂公之德化所致也辛酉科爲同考試官得卷賞其
奇博薦之主司疑用事或譌公證以古籍獲傳及揭曉乃
雋門桂馥爲知名士論者又嘆服公學之淵富與憐才之
心篤摯也邑之東北有鄭公鄉爲康成故里田被沙覆其
後裔居者悉逃去公爲力請蠲其賦招之以歸其仁心惠
物也又如此妻馬氏名族女生子二長集成嘉慶戊辰科
北蘭舉人由直隸州州同升任陝西瀛陰廳通判次集梧
丁卯科舉人

張介侯曰余裔銘雲峯先生之墓則公之父也今又爲公
傳蓋歛歔者久之公性果淺無畱事吏胥惴惴焉不敢售

其欺洵能吏哉憎未得大用以展其偉裒子集成與余友
敲厚質良善于其職不負家學公亦可以含笑泉臺矣

忠顯校尉李君傳

校尉李君貴州廣順人也名德字至善其先歛人高祖新
字以荃功官四川總兵封長寧伯寄籍壁山縣再傳至培
實爲貴州衛指揮家於平遠後乃移廣順之某里培實生
希正希正生載陽載陽生君昆弟三人長四表季秀山君
其仲也君幼有宿慧書不厚誦輒通奧窈且至性敲篤氣
宇褻然鄉長者咸器其遠大旋以家中落七箸維艱爰躬
耕謀養俾伯氏攜季秀山就館肄業力田之暇時復省覽

載籍劬及風角卜筮堪輿家言真索覃精以期遠於術而
措諸用嘗言丈夫生不能翼世察倫爲聖爲賢作千秋尸
亦當效霍票姚馬伏波輩大功疆場雖復馬革裹屍終享
令聞豈可樸遯奄忽煙銷草萎姓字不出於里閭耶每值
酒酣耳熱豪情激發四座盡傾聞者壯之後季氏學漸殖
貧益甚恐因是廢業乃攜依苕毆家苕官參將署中牒牘
季氏代之理每遇貴山書院文期輒督責往會越二年季
氏食芹始歸家奉親課讀以供甘旨而伯氏四表亾方是
時蠶苗扇爛木札羣飛大吏調集士卒將捧海澆瑩適苕
參將麾下騎兵王祖德者名列軍書尅期赴敵其祖母

暨母兩世霜髮祖德又甫婚未有子舉家悲號不忍舍君
聞其慘切請於荅願承其姓名而代之往荅知君素有請
纓志欣然允之至則將官愛其勇壯每令當士卒先果戰
屢捷叙功擢外委君益感奮思圖報朝廷復臨陳直薄賊
壘忽被銃中右脇貫背猶奮刀手刃四賊見衣血模糊始
暈絕仆地昇歸營已垂斃惟氣屬縷越三日復甦及凱還
大帥錄其功奏補古州鎮標下江營右哨千總乃具文請
改復本姓旋以艱歸家居謙謹里邨宗之起復後數年以
俸滿晉守備因年過五十生子屢殤遂移疾歸會邨有賊
民因捕盜誤斃二命誣稱君督率計圖賺財賴州官廉其

實原之然囊中餘金旣以雀鼠耗而繼嗣復愿無志分豈鬱鬱無可意遂傷貧病久之易贖時顧謂二孺人曰吾一生行事不悖天理死後有遺孤幸善撫之他日必能大吾門遂卒時乾隆癸未仲冬也後造室周氏腹子曰芬登丙午賢書有文名克光厥家異日顯揚崇褒當如君遺言矣前史氏云儒者平居稽古輒攘袂大言我能馭騂突我能披肺附旣得職守輒魚肉侵歛民類於越貨否則持梁齧肥厯志罔養于國事無橐髮豈一遇潢池有警又征營惶汗首鼠死灰惟恐刃及其頸甚或無橫草功邀恩罔利償事殃民誰則奮不顧身首公慕義急國家之急君以材官

陷堅跳盪張意烏未嘗鹽諸利以用命即使膏瀾楚草
當亦含笑弗悔卒之偉功顯箸雖曰選時豈非忠義之夙
深哉可以愧夫窮允闕於每生韜面者矣

昭荖將軍桂亭何公傳

余外舅何公諱守林字崑峯又字桂亭西寧人也由行伍
積功洊升湖北興國營參將以足疾引退後緣事褫職論
戍荖威遂家焉方金川會阻亂稱兵也公年十七負羽從
征隨偏裨攻喇卡不避矢石屢冠軍鋒蒙

皇賞緜甲歷次優叙領功劄十三張擢陝西七里關守備
時年二十二升定邊營都司遷甘肅紅水營游擊調巴里

坤右營游擊又調中營游擊署理哈密副將遷湖北興國
州營參將其官巴里坤游擊也兼管屯田事種田之人舊
以舉徙充吏士多虐使之盡驅之耕夜則閉諸室以鐵長
鍊繫頸臣食不果腹冬嚴寒衣薄不堪其苦多逃亾被獲
則撻死而逃者益眾不可止公至嚴禁主者勿陵虐飽其
飲食冬人給芣裘一不復拘囚咸感泣無復逃者是時方
運大玉五大如屋製大車凡二十四輪駕羸馬百餘匹百
人鳴鉦擊鼓千夫揮鞭呼喝從之羸馬奔騰踉蹌夫役多
死者輪數轉卽止稍憩復鞭之行軸或一日數折則鳩匠
修佗或值雨雪人畜困泥中官役苦之大府以

上用不敢奏聞公慨然曰是役不已爲害甚大乃稟於
欽差吳某將軍杜某言此役日斃羸馬數十士卒數十日
費金錢若干萬不能運卽運至口而中原地狹路窄不可
容且舟船難載橋梁難勝亦斷不能運至京師宜奏

聞停止以省民力而節財用或奏明此玉慮作何器招集
玉工斲成坯段則運之尚易吳使者和相之舅父也以此
意致書和相和不聽督運倍急公浩歎而已會

仁宗睿皇帝卽位和以罪誅籍沒時於其家得吳書有以
上聞者

上卽詔停止勿運公之知大體也如此公幼未讀書及官

守備慚不能握筆乃延師自課讀四子書漸曉文義迫罷職家居日閱資治通鑑逢儒士則咨問疑義數十年未嘗休訓子弟以忠厚樸誠故子姪皆循循謹飭罔有隳越者娶西寧處士沙某女妾田氏子五人長承晉癸酉科選拔貢生候選教諭次承恩生員三承泰四承文五承烈公卒時年七十有二余所續娶其第三女也凡公之整飭營伍訓練士卒百戰荒裔金瘡滿體此將率之常事不具書書其大者爲傳

何梅生小傳

君名承先字梅生與吾爲同縣人父天民乾隆乙酉拔貢

生績學敲行卒後數月君始生育於舅氏林明經起鵬家
君性幼而夷曠邈然高厲嗜讀書熟於注疏尤精綜史漢
凡鄭賈之說顏李之注皆言之鑿鑿如以弗貫因乾隆乙
卯鄉試經題爲詩小戎首章之前六句典試者苦不得佳
構從落卷中蒐獲君文考摭獨詳覈激賞之視所爲四書
制義皆超逸非俗手所辦乃拔列第一爲解元時典試者
湖南羅翰林修源也得君喜甚延譽公卿聞而其名日起
嘉慶乙丑成進士改庶吉士戊辰散館授知縣官福建長
泰君子事御之以簡時或登山臨水賸詩自娛而尤湛於
酒庚午冬調南安未抵任而病病良久遂卒無子君之繼

室黃氏載其柩航海至都由都返涼州葬時予在蜀聞君之卒也哭曰梅生其死於酒乎君與予交最密年長於予予兄事之顧畏予能聽予言猶憶君爲庶常時余適赴選至京見君面省瘦患痔泝尻水淋漓透衣蓐余曰君病如此尚事杯棊乎心痛絕之君笑曰速絕之不能請以漸而絕之可乎余曰聽吾約早飲必禁晡食則數巡能之乎則笑曰如約一日午熱君方卧余異其腹彭亨捫之冷如冰堅如石大驚曰何乃如是君笑曰此病甚佳厥名古賁何幸而有此也余曰古賁牡蠣也君腹豈孕牡蠣乎此醫溼之所結久則必潰潰則旤烈君何幸之有君乃噉曰有是

哉既而癥漸輒瘳亦稍愈則謝余曰此禁酒之効也今而後當嚴守約君性既疏嬾凡錢財一委之家人乾沒置不問故篋囊常匱會予以選滯欲南游君亦請假返里偕出都門至衛輝而別從此成永訣矣距君歿之九年余入都補官或言君爲江南廬江縣顯應侯云先是繼君任者白鳳有神降其署畫字槩沙中爲詞一闕署梅生烈謹曰梅生先生來也先生喜飲曷飲乎則又書曰予爲廬江城隍神將之某處鞠案勿勿不暇飲然從人多諸君其飲食之梅生內弟林大本適與其舅爲人言之如此林質厚非造佞事端者噫異矣

潘石生考功傳

嗚乎君何以死哉今世如君厚天倫敲信義履艱險而不
渝者幾人如君輕貲財拚危困以友朋爲性命者幾人君
何以竟死哉方余已未釋褐也請假歸里君父曉山翁招
飲君時授徒蕭州未之見及余改官黔中歸數年入都赴
選君已舉於鄉應春官試於同鄉旅邸中晤之時君負才
名尚氣未嘗款語也後余官蜀奉先大夫諱旋里遂僑青
門君早成進士官吏部鄉人有自京來陝自甘入都者咸
津津述君待人之厚處已之約卽心識之迨服除北上補
官乃握手歡然如故舊凡事余必就之謀畫策必當余性

癩不耐煩有事則委君爲之不復過問而君不違寢食不
避寒暑爲之必得宜其於他人有諉誣者亦然蒼邑每科
赴兀闈試者百餘人榜後畱者輒十餘輩君皆延於廡舍
供飲食必豐腆而身與李安人諸兒女茹蔬糲每晨敝車
赴部治公事返與諸同人講論文藝大課程督其作文不
令曠日月或爲謀館穀俾資旅費倘賓主不合或謝去君
仍館之供給不倦然君故貧囊不名一錢也余選江西吉
安府之永新君送至長興店聯牀話終管不寐詰且眎余
登車乃去余履任三月君寄懷詩四章悵悵以柔道爲勸
後余以前任欠隨漕道款褫職旋闕復補瀘谿之次年牛

鏡唐給諫信來言君聞父病請急歸涼矣俄曉山翁歿君
哀毀幾滅性囊窳窳事無幾微憾弟聯奎性狃汰君待之
甚厚如其意瀟匱尚某與君素密監督山海關稅知君難
家食書邀之往爲釐剔弊端幾盡數月而病伯返都余聞
君之病腹也謂素彊力醫之宜可瘳時道光己丑五月也
至九月余丁先安人憂留滯松門同邑李君世琦銓永豐
相見爲言君亾矣余哭之失聲李又言君歿後弔者甚眾
無不痛哭咨嗟以爲今世不復有是人也君身長五尺許
貌寢碧瞳子饒須垂兩顴下五六寸伸舌可及鼻相者以
爲大壽且富貴惟余亦以爲然蓋以君之行卜之何天不

右善而殲良如此之酷也君爲舉人時館肅州適通省虧空事發知州季某虧三萬金

欽使將來州盤查事急季某謀於君君曰易易耳此邑雖小暫假三萬金於富人貯庫事後歸之君直早彌補季曰其之政事素不臣取信於人士奈何君曰某寒士家徒壁大然爲眾所信商之當有濟君出而一言眾大諾數日致三萬金於庫使者至盤查無短季得脫於旤而其銀乃爲使者邇諸省季大窘邑人聞之謂君曰吾儕信君故衷金以紓州尊之難今如此非所料也君異日得官償之吾儕不向州尊索以負君也友人又言君在靜靈州時知州事

福建陳某短庫項君亦爲扁七千金其曠俠仗義能救人
急而結人信如此所著有通鑑論十六篇洞達古今治亂
之源人才盛衰之故後數篇言今中外吏治民生抉摘利
病甚覈非猶夫書生紙上空談者倘爲言官以是奏之

上得允行必能祛諸錮習有補於治道又箸論語六卷
考核事實精以確發掬義理淵以懿而文筆尤奧折劬薄
又箸荃威耆舊傳六卷余作序囑其彙行知音者多矐之
憶在都門時與余飲次忽長歎余問君何事不懌君曰以
子之精心果力箸書當可傳以子之直氣嚴情筮仕實不
合余曰入世不諧良自知之箸作有聞得毋貢譽君曰不

然子經學諸書余未嘗徧讀之也姓氏五書僅覽尋源辯
誤二種經學史學誼學一以貫之前此未嘗有也余曰余
自幼負志恥爲文人思爲吏稍有樹大冀附於古循良後
耳君乃大笑曰子性方而不圓大府有叵子則愠於色見
於辭人且齷子子何能展布所學卽如方葆巖那繹堂蔣
礪堂皆今所稱賢制府而子屢上書責備攻其所短惟方
葆巖喜君言以爲直諒而蔣與那固怒之矣何況他人余
曰有是哉余知過矣遂唏噓而罷今良友旣亾無人規余
之過而余卒以憊直受恐人之陷貽累不堪乃歎良友之
言爲藥石嗣後不可得而聞也嗚乎君名挹奎字石生已

已進士吏部考功司主事卒年四十六

諱授朝議大夫掌貴州道監察御史姚君傳

君氏姚名塋字子方又字廉山同州府澄城縣人父名廷儀字振九乾隆丁酉拔貢中順天癸卯舉人歷任直隸東明西寧無極宣化知縣升景州知州母侯氏生子二君其伯也七歲叔舞麟授之讀十歲能文十四應童子試十八補諸生次歲食廩餼時君父宰東明命受業於羅碧泉學士學日以進乾隆己酉歸試選拔考取一名庚戌朝考覆試並列一名引

見以教職用辛亥春僭補成縣訓導抵任見學署傾圮寓

書院課生從多士景從學使周廉堂宗伯按試到州甚器
重之壬子秋領鄉薦次年赴兀蘭不第引疾畱都歷乙卯
丙辰不獲雋以報病痊例應坐補原缺丁巳冬歸家戊午
夏聞振九公患疾星夜馳赴比至已謝世哀毀不欲生然
念母在堂骨太支持先是乾隆五十九年景州被水災例
賑不敷振九公請於大吏開倉庫拯濟共用銀四萬九千
餘兩未及 奏而大吏卒例不准報銷接任以虧空故羈
畱家口君奉母居陋室朝夕至不給辛酉成進士

授翰林院庶吉士兼 國史館協修壬戌散館改主事癸
酉八月以員外擬陪赴熱河引

見夜抵昌平州之藺溝盜十餘人突至刀所馭夫從者悉
逃君從容諭之曰爾輩欲財耳烏得傷人盜席卷而去至
熱河堂官據情入 奏

上震怒飭令順天府嚴緝遂獲賊首白大白二梟示是年
冬十月升職方司員外郎兼馬館監督甲戌三月升郎中
記名御史乙亥補江西道監察御史秋充順天鄉試外監
試官冬奉

旨轉掌貴州道監察御史丁丑春充會試外監試官冬十
二月

命巡視北城稽查太平倉戊寅春因巡視南城以御史蔣

某事被議奉

旨降一級調用君之爲御史也奏請補驛馬之缺額不許
輪派各鄉攤出僱價及截關過客當支官差並禁濫用驛
遞奉差之員執持勘合火牌各照品級應付又奏役滿書
吏茅馨聞朱介夫等違例謂京招搖佯弊請

勅下飭令步軍統領巡視五城御史查拏交刑部審訊治
舉又奏請嚴吏部誤選之條以杜竇缺之弊又以陝西澧
中興安兩郡毗連川塹甘肅深林密箐易於藏奸奏請

勅下撫臣於澧中所屬之靈苑畧陽等處嚴行盤詰毋許
游民竄入境界又以京師奸商設局誑騙無賴游民藉端

搶奪奏請遵照定例嚴辦皆切中時弊得

旨允行其知治體也如此君鑄級念

聖恩高厚思有所樹太以圖報具呈吏部請捐復郎中格於吏議不果壬午夏返里省母以弟堅官廣文在省赴視之數數過予舍無何患時厲卒得年五十又七君性坦易與人交洞見肝膈不作一欺兜語平居無佗好顧獨嗜書一日不能離書手鈔十三經注疏之精要授其子告之曰管歐陽公嘗欲刪筌注中引讖緯者而不果其意可師也然漢儒解經各有師授唐宋以來專主義理二者必交相資乃善可以知君讀書之大旨矣所箸有周官識小錄關

中風俗考子史雜識咫聞錄隸釋補正詩賤雜文若干卷
藏於家娶張氏子二人長敬之增廣生候選縣丞次義之
女二人

張介侯曰余始識君於邸舍歎爲周才泉掇巍科陟諫垣
稱敢言可登膺仕矣因事有齟齬之者迄以不振深悲君
不得大用以竟其才猶幸及見君之終以訣別也嗚乎

馬衡山傳

君名璇字衡山世籍鞏昌府安定縣昆冑五人君次三少
習儒從邑朱明經學博心揖志明經器之文曰蓋斐將應
童子試會父疾革歸省卽居憂旋以胞叔父分爨僅得瘠

田數畝糲澆不給乃廢學務農俄值歲大歉田蕪削榆皮
麤紇頭食之躬任耒耜勞勩終年後稍稍益田置宅家計
少豐而勤儉如管君旣以未得究儒業爲恨顧性嗜學又
愛觀史苦無書從戚友宛轉借之每當農隙之暇負曝南
榮手一編吟哦竟日嚴課二孫讀爲言歷代帝王世系及
裨官野史之相符合者穿貫證據雖老生宿儒咸以爲不
及也事繼母至孝款款懃懃務得其歡心迨歿哀毀柴土
盡藁竭情兄弟各欲析箸勸之不可凡財物推多取少不
以芥懷後常振卹不稍恡鄉鄰有爭訟事皆來取直君據
理剖析是非俾兩家相悅以解不至終競里鄙化之比於

少賓體素羸能齋神養和享年八十卒妻劉氏饁餉之餘
偕君操耒是所謂相攸也子則範亦業農有家法孫二人
考廩膳生疏辛巳科進士翰林院庶吉士改授知縣逢
覃恩貤贈君儒林郎妻劉氏

勅贈太安人

前史氏曰世儒每矜譚勛庸至舍曜韜光蘊真抱獨之士
輒愨置不道豈所以風世哉吾觀周燮有先人草廬結於
岡畔下有陂田肆勤以自種鄙翻居貧無業墾殖荒田先
大表題經年無息彼皆不希世榮故甘心荷鋤以老也若
衡山者非其人與

田鑑川傳

田君名均隨字鑑川又字玉洲本江南如皋籍明初始祖
顯授驃騎將軍從沐國公英定滇黔分駐平谿衛衛後改
玉屏縣遂有田氏云君庶常公熙之季子也甫五歲嗣
於庶父煦患風寒成痿痺疾君左右扶將之甚篤迨父
沒母賀孺人守志撫孤顧家貧甚無以爲養君晝則負薪
售以供餽粥宵則焚膏讀書期有寸進以慰親心是時會
王父榕中書公屆重赴鹿鳴之期君侍行中書公年逾八
十行至貴定無疾而逝君倉卒遭變凡衣衾舍斂靡不如
爪李撫軍遣龔觀察詣奠君銜哀將事一時顯貴咸以童

子知恥心重之既入邑庠晚歲貢成均待選廣文然平生以清白自厲不謀榮利功名之念泊如也事母氏極色養之歡母氏小不稱意即攜子訓奩叩寢門長跪婉請必俟怒解乃敢即安其承順有如此者遂於乾隆己酉爲母氏請旌得

旨建坊如制君之心於是乎稍快君性既誠懇而遇義勇爲待族黨姻婭皆有恩誼如修學宮建書院諸事皆竭力匡襄以故邑人欽敬之嘗曰吾夙旰所得力者忍讓二字耳蓋終身未嘗與人較曲直也以嘉慶戊寅七月十八日卒距生於乾隆癸酉年七月十八日得年六十有六元配

許孺人繼配周孺人子五長訓金許孺人出中癸酉舉人
保舉孝廉方正次誥金謚金皆庠生又次諤金詒金皆周
孺人出

前史氏曰余管宰玉屏稔知田氏以儒業世家多篤行君
子後得詔金訓金二生愛其才與之言學後詔金成進士
佗令楚南而訓金亦掇乙科方志進取豈非被詩書之澤
哉訓金句爲其父鑑川君佗傳余閱其事實殆所謂篤行
君子者與

安節婦楊氏傳

夫不同之德愚智所同舍也難轉之心艱危不能易也然

而階繞驥子反秦求鳳續積蹠金又欣合鏡母亦白貞姬
之令則未可求諸今人梁高行之芳規不容槩於下里乎
如安節婦者其範乃可甄矣節婦氏楊安定人父某縣學
生員也氏幼而淑脊長復幽閒孝經雌篇貫穿得義女誠
七則循省知言婉嫕流聲見侮感邨爰歸於同邑生員安
警其舅惟岱癸丑舉人也皇甫經遠猶僧書以求通梁肅
文高乃招徠而授法警孺染家訓誦常絕編接交名流談
能折角氏則夕殮朝饗講中饋之儀荆釵布裙守儒門之
素事尊章以敬雞鳴而興勸夫子以賢雜佩以贈庭蘭蓋
穆穆也既而維熊有夢得麐爲祥方冀梓可承橋蘭能汎

蕙迨及五歲竟尔夭殤氏之心於是摧矣踰年未幾夫又病亾呼舉不復對案無期誓投帛以捐生九原尋特思劓頸而効節半粒不吞家人持之急防之嚴則不可得俄而有勸之嫁者氏憤恚忝伯母所訴之伯母賢明婦人也爲之喻泉水之清濁說竹筠之榮枯誦青陵烏鵲之詩臚敬瑜胤燕之事氏擲涕曰是兒心也敢不勉之捐棄粉澤趙朮脩之亂頭慷慨奩刀吳孫奇之殘鼻是其波烈無媿前人初氏與小姑居事繼姑繼姑旋没小姑又嫁嬛嬛孑形痛呱呱而不見蕭蕭夜雨悵耿耿以何時氏之心又苦矣時翁將赴朮關呼氏出諭之曰媳年少吾且遠出將無以

依始不如嫁氏大哭曰兒願死翁前以絕翁念翁亦哭失聲慰藉者久之氏曰兒願繼族子以守志翁許之乃擇親支子爲嗣而遂北上並無應門之僮絕少浙劍之米氏屏當家事訓課孤兒圓月如霜窺窓而映荻字一盞似豆依壁而軋機聲咽藜藿以如飴披須捷而不恥蓋下以暝泉臺之目遠以慰京國之懷也無何翁不第館於山右一年次科復失意歸卒於涇陽旅舍氏聞哭不止親黨扶其櫬返葬之日哭而氣絕者三鄰里哀之天荒地老何風樹之聲多后爛海枯復藁砧之影絕撫藐孤而唬血蜀鵑三更坐破竈而爨薪秦書一篋氏之遭際至是蓋彌窮矣嗚某

者乃以賻助餘資爲置田於北鄉之老莊坪俾氏母子藉
養焉氏不辭劬錄每事經營霜壓烏衣荷耕饑於隴上風
梳蓬髮拾秸葉於塍中兼之痛結人天悲銜世上冢則
淚流麥飯撫衾則骨冷繩牀節隨時而不遷粵月無影心
與境以交悴夢魂皆驚故享年三十七而卽溘逝也拂衣
行矣茲無李娥之臂金執手奄然應典隨清之圖籍今嗣
子已成大頭角嶄然能讀父書庶延博士之澤知寶祖研
不隕孝廉之風氏亦可以含笑地下矣

前史氏曰盱衡古今婦人抱奇節燁彤管者信多哉然龍
麟弱質窮守餘年義桓孤蹤堅持遠志何其中情之亢厲

乎若楊氏之鞠育螟蛉綢繆牖戶備嘗辛苦極其顛連安而行之囊無怨懟嗚乎曷豈不臣以風乎

旌表貞節王孺人傳

嘉慶己未歲余春官釋褐幸厠館職請急返里及假滿還朝道經長安晤晁簡如員外梧傑人也舟楫者案月後余改外令黔中數年引疾投簪汜游南紀聞簡如已謝世尚無子嗣爲之泣然及余幸蜀屏山奉先大夫諱旋涼遂僑青門微聞其造室王孺人之賢既而嗣子迎福句余作傳仔詢其詳而嘆孺人之賢爲難能而孺人之節爲尤不可及也孺人王氏西安郡屬之渭南人性端慤柔惠寡言

笑嫻於組紕簡如取爲副室時年十五佐鬻錡謚蝸徽愔
嫻之聲稱於歐卮甫四載而簡如殂時秦恭人稱米亾人
素善病膝下無承歡者意彌不自聊孺人事之唯謹藥蠟
以時煖翥必潔靡聞寒暑不殊姑章迨秦恭人終孺人銜
悲茹痛幾不欲生然時以所天無嗣爲憂簡如弟晉堂者
有子二長凝福次迎福孺人迭請之晉堂以其次子爲後
咻噢之褊褊之不啻已出稍長訓之以承家祗之以大品
而於凝福亦加意慈愛蓋十餘年如一日焉稽之孔父卒
爲母繼母如母言繼母之配父與因母同故孝子不敢殊
也慈母如母謂妾之無子者妾子之無母者父命妾曰汝

以爲子命子曰汝以爲母如是則生養之終身如母也則喪之三年如母貴父之命也夫簡如亾時尚未以迎福爲子也厥後爲子則有秦恭人在迎福宜以秦恭人爲母也然秦恭人多疾不能鞠育旋即溘逝則孺人攜持抱保雖無厥夫之命而孺人固已子之矣孺人子之迎福得不母之乎夫朮緣義起恩由情生孺人以妾而代嫡撫子三年之恩同於所生不得以慈母無服愍置之也先是孺人以十九歲守志至某年合例有司以事上

聞奉

旨予旌今於道光元年七月病卒得壽六十有五嗣子謹

飭端良自厲不怠孺人亦可以含笑九原矣若乃心如古井波瀾不起則非孺人之所自稚也

前史氏曰世風濼漓起於閩壺良人方屬續而情意衰渝者眾矣孺人以妾綜家事刻以承祧爲念卒能鬻子閔斯以延宗祀之一綫蓋其心獨苦脫令早以身殉不可謂非貞烈然何由卵翼似續以慰夫子於黃壚烏虜可謂賢矣可謂節矣

旌表貞節尤恭人傳

晉古朴之摘文也孝慈箸錄荃侯之作記也貞潔名編豈不以婦道無成而有終女宗樹善以崇祀哉然席豐履厚

惠未霑於里閭茹苦懷清教或弛於享緒猶未足言澄粹
矣若

旌表貞節尤恭人處士鳴鳳之季娃員外晉堂之副宰也
南劍名家克嫻壺範西川理窟久習《言年十五歸於晁
窈窕之容抑何蘊藉嫻嫻之性兼以幽閒佐冢婦以攝擯
勤渠勿卹御夫子之琴瑟靜好有聞庭闈蓋穆穆也生子
二長凝福次迎福恭人不鄰詎殯亟事允熊警謁疏則折
蓼督勤勞則画荻囊螢弗後於月上守玉每戒於風愆蓄
古疆之良書豈恡盒釧延范遠之畏友輒漑釜鬻以故二
子幼而有跲長則能融凝福博士弟子援例員外郎迎福

欽賞連同候選鹽運副詎非恭人婦德純全母儀聖善追
周才於絡秀襲大訓於敬妻者乎何意廿五之年夫君捐
館圭景端操棘心練要奏黃鵠之曲不與眾同咏柏舟之
詩頻呼天以乃盪染絲勸子鬪澤逮人施閭尉之藥授期
革之衣饋禽敖之食生者咸頌耆婆也給元始之棺賻胡
安之襁捐宛荆之塋死者皆感慈姥也而且懸厯揭之涉
建杠倚之橋平坎塹之塗爲莊馘之路行旅不病蹶屣矣
助孤另之婚閉鯨魚之目扶窮孱之嫁息吠悅之彤夫婦
不慮鳩媒矣凡此上以紹所天之夙志下以厲厥子之脩
名蓋行之數十年而未嘗休斯費之素萬鎰而無所靳也

道光八年某月有司以守節合例上請奉

旨旌表嗟乎蕙質蘭儀變爲松心竹節燕筐鳳導臻於鶴
髮雞皮受

寵誥於楓稜鑿芳徽於棹楔不亦榮哉而以長子早歿大
傷厥心折玉樹之瓊枝悲纏永夜摧鷓雛之采翼淚溼盈
襟于道光十四年二月初五日微疾不起享年六十緜姑
返乎圃嫌可哀於人閒魏姆駐幔亭謚無愁於天上筠匱
尚在子啓之而泣然木比猶存媳撫之以悽爾孫葆源尚
未毀齒纔能勝衣仞桁上之帔幫呼夢中之嬰孺此恭人
泉臺目視願無廢平仲之楹書恒幹魂歸期早付喬年之

橫研者也。系之贊曰：

如賓相夫，齊賢教子。甫侮懷恩，悼孤受祉。宜築清臺，載瞻德暑。寧嶽三峯，涵滌八水。視此義桓，崔崔瀾瀾。焯昭管彤，封錫泥紫。

楊母許孺人傳

管余主講蘭山時，頻陽楊生浚以游幕在甘敏書院來款，歎其淵映清才也。泊余赴都，謁選得蜀之屏山，牽絲七載，奉先大夫諱返里，經營窳窳，畢來陝授，徒知己登賢書，訪余於滴水河廡室，見其樂樂素衣，鞞詢悉服。母氏喪泣然者久之，且覩縷母氏素行，甚具。余爲傳以章之。余以

孝廉不念腹我追慕聖善其意未可卻也諾之按孺人姓許氏父仲玉邑老儒時以班昭女誡七章爲之解說聽受鵬然未幾父母俱謝世銜哀茹苦埶棺埶身之事必誠必信復提攜幼弟底於成人感卹咸歎異之迨于歸惟一先生執勤守慎黷不生相夫砥礪有如賓友其時姑早亾事翁克謹凡飲食寒暄昕夕伺察翁旣沒薦蘋蘩湘綺釜惟潔惟敬而奉繼姑馬孺人每事咨而後行五十年如一日夫弟之幼子失養眎如己出咻喚之教誨之俾克成大親族有乞貸者分所有拊捄無恹色疇值隆冬廩寒朔風悽緊雪籠蔽下如掌覓鄰婦被單衣行風雪中狀蔽蔽然

即解絲衣畀之不使人知其性慈惠也如此自世尚樸遯俗競涼濛爭羽毛貪錙銖雖士大夫不免而孺人亮逼不嗇愉愉安貧兩次析炊悉以貲財推讓諸弟姪無幾微帶懷惟督責二子大品擘經不令箕詬故長子灝在爵序有聲次子浚領鄉薦後講求學術俛焉不忘柩人繩已循循有規矩蓋其階稟者素也余是以表之爲世之巾籥助

養素堂文集卷二十六

老威張 澍介侯

墓誌銘

誥授奉直大夫刑部湖廣司主事張雲樵墓誌銘

粵閩性真不滑者長養無累之神學術得根者克存有覺之體蓋緇塵軒輓非靖冥無以定羸圩圭璧身心非藻厲莫由成峻潔歷觀曩詰博診時賢無忝此語者其惟雲樵先生乎君諱述燕字雲樵又字友蘇長安縣人也天上星精人閒日采瑤源溯于誰印葉語演自奩鉤上世穆行著在郡志不復覩縷矣厥考拱辰太翁字星臣附貢生生子

二君其伯也趨庭之鯉幼即聞詩荷戟之烏童而擬易竇
牆嗜古下帷覃思凡汲冢竹編魯宮漆簡莫不數螺於仇
列宿於宵雖幼權之日誦千言子孺之默識三篋無以逾
之若其眷戀庭闈順承意志樂其心則文彊扇枕察其色
則叔異孺唬而乃詠棣萼於鄂不顧荆樹而陰合姜肱共
被季氏亦嘉遜遺榮孔奮分糧仲君復通經尚志是其竭
情盡性有難蹤者夫浮筠之璧韞山而氣早騰虹團鞠之
乘咫尺而神已逐電君以雋上之才淹通之識搖豪綺繡
發韻宮商當代名流翕然崇尚爰以髫歲即補博士弟子
員食廩餼膺優貢聲飛槐市譽溢鴻都平子咸仰學宗長

賓倬號魁士遂於甲寅

恩科登賢書越嘉慶己未科成進士

殿試二甲朝考第一爲庶吉士仲舒對策抉奧旨於天人
公孫進言作治民之龜鑑遂乃木天翔步得奇聞於黃龍
芸館校書預奏議於白虎迨辛酉季散館奉

旨改授刑部主事簽分山東司行忝效雋氏之平反追于
公之寬恕持丹筆而泣秋讞無冤拊赤衣而哀畫斷有準
此則本明允之念爲敬公之行者也既而李太宜人有疾
卽請急返里眎藥餌滌廁媵長魚吮癰左右不離君仲嘗
歐飲食必謹無何寒泉咽響顧額消形其至性良足尚矣

洎戊辰之春仍赴刑部改分湖廣司行悉以春秋決獄事
比有書以繩墨活人雜履知耻已巳正月恭遇

覃恩爲星臣太翁暨李孺人請五品

誥命雖養堂未築昕夕疚懷而

皇綸式黃歿存榮感維時星臣太翁率邁多疾君又請假

旋鄉而仲氏述鄧侯補江西知縣亦同籍侍養晨羞夕膳

馨潔於蘭前舞後歌娛弄夫鳥續梁元孝德之傳補束生

色柔之詩樂可知也既而星臣太翁殂謝哀痛之情瘠毀

之貌蕭濟以比曾閔傳乎謂之苟何信無愧焉惟君受性

剛鯁不喜摸蘇結交青松心而不面厖行碧石涅而不淄

而又飾提後進愛好英奇踞觚聽經載酒問字蒙其指授
則蹇足變爲籥雲承其吹噓則鉛刀化爲割玉時復臨池
染練聖是溼芝噴墨濡頭顛乃唐旭可謂儒林之標準關
輔之儀型矣不料尻遇張軫魂歸梁父紉謳咽苦薤露光
晞邁疾於道光二季六月初七日不起得季六十又一揆
於道光三季某月某日葬長安縣之某原禮也郭林宗之
角巾髣髴如在楊伯起之大鳥依侖來飛子二汝槌汝弼
或游鬻序或世縹緗驥子睨雲鳳毛洗日悲松門之永閤
痛蒿里之不歸句余製文銘以紀實其辭曰

風雲兮聚散日月兮盈虛舟壑兮默邇腥羶兮爭趨君獨

厲兮高邁邈游心兮太初中如止水兮外如浮雲貌如植
鱗兮言如吹斷風規長在今不沫恨不呼降兮靈氛

勅授文林郎四川銅梁縣知縣饒泉呂君墓誌銘

嗚乎余忍銘吾友哉天降鞠凶同爲銜恤風樹傷懷哀毀
骨立何來二豎竊處膏肓加以厲氣害善傷良殲我荀覬
敘我舉魚茫茫帝緯神理竟虛余何忍銘吾友哉君之舉
於鄉也爲乾隆壬子其登嘉慶己未科進士與余爲同榜
又同官於蜀爲知縣其悉君行事莫若余詳者又烏敢以
不文辭初君銓選得重慶府屬銅梁縣其地幅員遼闊山
川險阻民風狙譎悍盪好訟胥吏因緣爲奸軌法無忌而

天星橋空殼樹三交場諸處嚙匪如麻爲川東逋逃數號
稱難治君下車待百姓以誠待吏役以信日坐堂皇諄諄
開導久之治化大行訟牒漸稀賊竄他境而省垣候補者
垂涎此缺矣以爲脂膏邑曰夜媒梯而君以調闈差去任
矣揭曉畢栖遲錦官殆逾半載始得返駕而君又以買黔
鉛去任矣差竣旋邑席未暇暖而君又以署會理州去任
矣州與滇南永北廳爲界連峯造天穹種蠱聚水土惡饒
歧尾蛇山富瘴毒莅斯土者往往嚇蠻取財物愔不事事
而流民多侵踞夸山鑿巖截壑牟銅鐵利又放賣諸嗣厚
息剝取之久不能償則據其田土室廬甚則算妻女以爲

抵夸既貧或以土地外售則又故輕其價兜之夸之積怨者久矣君抵任驅逐流民毋得入夸地又檄各土司夸人毋得以田土私賣昔之疆占者俾流民還之賤賣者俾夸人贖之而苾部大悅然曩署此州者甫一歲即得替去君在瘠區三季乃卸責余以侷直爲人傾軋宜也君接物煦煦無賢愚皆容納數爲人稠歟何哉是時君宦興闌珊已饗歸田賤且值十季俸滿引見期資斧無措決意投簪矣會蔣鵬堂制軍至廉君治行重之將薦於朝君感之思有所表見以報知己諸同人共貸之金乃北上及旋署直隸州邛州篆余時署大匡縣事而本任趙君時以唐仁德

劫案將屆四參限部議飭回本缺大府乃委余署銅梁衛
繇舊章幸無隕越然余特精察民不敢欺未能及君之樸
誠民不忍欺也旋余調入簾部議又以君劫案參限至飭
回本任余乃承檄署南谿縣事君至省制匭札委署成都
縣方踰月仍回任余在南谿甫匝月丁先大夫憂君抵
銅梁未一季亦罹繼母梁太孺人大故先後歸里運之蹇
阨何其同耶君貌雄偉大聲音髭須如戟能飲酒至數石
不醉質樸不修威儀與人交歷肝灑膈無纖毫緣飾性又
廉儉不妄取民特以札調紛紜終季道塗夫馬之費不貲
又權攝之員搏拚善攫擣較無已谿壑既盈詭作虧短陷

君賙補數盈萬君亦不校也歸而囊橐蕭然無以爲家計見諸曩力田作勞憫之戴草笠行烈日中送耕者饁遂受酷暑而痢作余念時疫盛行衝泥往視見腹彭亨然君言服寒劑致此近稍痊思飲食矣余以君體氣素壯當漸愈不料其竟不起也嗚乎君諱清字鏡泉一字時山陝西長安縣人父諱應熊太學生母徐氏皆先卒以君之官逢覃恩受封贈同母弟三人君爲長次浩灑異母弟五人若濂深潤澍妻元配李氏繼娶沈氏王氏王氏生子三蔭枏蔭梅蔭杜女四君生於乾隆二十九年十月初四日某時以道光元年季十月初九日辰時卒得年五十又八將以道

光二年某月某日某時安葬新塋濂深等率子蔭柵句爲
銘文以余備知君之行實也而余深悲君之不克大竟其
用以沒世也又何忍不銘於是銘曰

土神智水神信君篤厚尤明慎佻吏來墨綬印巴嶽深涪
江曲羆生虎撲噬毒君治之無婦哭邛夔人號神父老婆
心塾師語城逃狐社禿鼠何人斯怒君直朝移東莫徙北
年復年風塵色君之貧實由此吁彼哉以官市君仰天大
笑耳所嗟今吏治廢道未學民何愛安得君數百輩付以
民布郡縣飢爲餽渴爲扇十數年濠風變志未申奄就木
纒之衣淚痕漉天何心痛余腹

勅封文林郎晉封奉政大夫隆德縣儒學訓導雲峯
謝公暨 勅贈孺人晉贈宜人陳太君合葬墓誌銘
始予鄉舉時卽聞蓮湖先生學行時先生筮仕山左未得
見而予試春官留京粵東人來都者咸誦其循績不置旋
先生以計最入

覲予見之錢漆林師邸貌觥觥而言罔罔謔乎其魁人也
歲己未予禮闈釋褐蒙

天子恩獲列侍從臣洎辛酉散館改官黔南尋投簪歸里
復爲龍洞之遊晤先生於歷下時已服雲峯封翁衰矣洎
予返閩門冢孫集成以狀詣曰先王父將契於某日與先

王母合壙其置窺之石賴子以志之予惟忝公鄉後進又知其行誼甚詳其奚敢辭按狀公幼英秀嗜典籍以博綜爲歸弱冠補諸生高等食餼以能文聲譽序然力追正始不以齒軋規進取七赴棘闈而艱於一遇一似無所介介者性尤篤摯溫清抑搔既有以博堂上歡而偃愛同氣推多取少有張君遊之風雖斷斷微隙不形於始終先是公教讀雲川以爲德行文執事有後先爰取彙哲規條循序啟牖務崇實行逋蕩者檢束之盪沒者獎成之士弭弭信從遠詭激而厲句廉毋敢奧渫以取訾詆十餘年而士薰其德凡被服儒雅者眾咸目曰此必從謝公遊也後設館

里門念承學者多荒陋以經術倡導濳儒訓詁宋人議論
酌中而誨之一時執經問難者率知名士遠方負笈幾於
舍不能容其督課子弟尤嚴以繩以柅不令少軼萬尺其
羣從亦各能起以繼家聲性好施鄉黨戚友有急則視如
已未之或靳末俗習尚僕邀因知推解往往擁厚廩雖周
親任其搏手而莫之拯繫何論疏渺然則公之贖財篤義
分舌耕以贍里黨其風益翼乎邈矣辛卯科蓮湖先生膺
鄉薦丁未季恭逢

恩旨挑發山東以知縣用歷署臨朐益都篆大府器之奏
補安丘縣公聞之即馳書教以行可以告天之事存無欲

害人之心味其言可以覘所蘊矣歲庚戌公就養官署時
時以字民培士爲訓曰吾生平思博一第藉服官以抒所
學而卒不償願今去桑梓而來此爲朝夕勸汝不逮也汝
其作清白吏以無負

朝廷恩越二載西旋復諄諄誨以平性氣體人情以故蓮
湖先生之治行爲三齊最晚由明經選授隆德縣儒學訓
導公慨然曰吾老矣奚必橫之舍而後施教乎遂謝去不
出日手一編以自娛凡里衍子弟有秀茂者感示以擘經
砥節之要古所稱鄉先生沒而可祭於社者復何愧焉系
曰公卒於嘉慶五年正月二十三日距生於康熙五十六

年正月二十六日享年八十又四諱鏊字文三雲峯其別字也世家於涼州之鎮番縣以

覃恩勅封文林郎晉封奉政大夫配陳氏

勅贈孺人晉贈宜人卒於乾隆三十八年二月二十二日距生於康熙五十六年十一月二十三日享年五十又九生子三繼配周孺人無出長葆齋任山東青州府安丘縣知縣次葆訓增廣生次葆春庠生孫十人嫁娶皆名族銘曰

惟德可砥身而學又足以及人時古之君子也而世已奉之爲人倫迄於今讀其書過其里門而想其居處衣冠猶

臣以起敬而况其窆與窀嗚乎予所不愧者惟此文

呂文占先生繼配梁太孺人墓誌銘

嘉慶二十三年十一月澍署南谿縣篆 先大夫在籍棄
養抱痛於二十四年三月返里營窀窆畢僑寓關中是年
十一月銅梁縣知縣同季呂清丁繼母梁太孺人艱於道
光元年四月抵家澍詣弔之涉數月聞其病往視之伏淋
雪涕以太孺人誌銘爲請澍諾以歸尚未濡筆也而君之
訃至矣嗚乎敢不縷紀其實以負亾友託謹按狀太孺人
梁氏山西介休縣籍父福志母詹氏年十七歸我季伯文
占先生性情婉孌容止幽閒無疾言忤色宗鄙重之其事

尊章也酒漿必潔厠牖必親雞鳴而起溫沐浴之蘭湯月
出之光驅蠹蚋於桃席忘其寒暑勤斯組紆可謂恪孝矣
維時文占先生方以太學生粹掌讀書奮志秋臆太孺人
續登孟晉瀹諉泫桓鄙牛衣之泣勸仲卿以激昂斷蠶織
之絲戒樂芊之曠廢其志識何明達也泉文占先生歿先
徐太孺人之三子清浩豐與所生之四子濂深澗澍所以
撫育之者慈愛均一焉嗟乎閔損能賢失轡而衣蘆絮伯
奇至孝履霜而采檉花昔人致慨於不造者何多也太孺
人儀鴉鳩之降桑其心如結鷓鴣之毀室予口卒瘁故
其子咸皆束脩自太艷艷蘭信無愧於母儀者乎時則

長君清知四川銅梁縣巴山白雲每悵望於親舍涪江碧
水仍閒隔於高池屢駕潘岳之輿頻寄孟宗之鮓太孺人
眷戀桑梓疑怯閣棧在家督家政焉張緬之親不入官府
崔實之母切訓臨民故吾友循良自厲縣忒部戴釜之魚
卻蜀州兼盒之布爲蔣廡堂制軍所甄拔先是嘉慶十三
季逢

覃恩徐太孺人暨太孺人均膺

榮封虞潭養堂雖有待於興築而謹母闈範實堪述於彤
編也已太孺人以乾隆某季某月某日生以道光改元未
踰季之十一月初七日遽疾卒於道光二季某月某日祔

葬於某鄉之某原系之銘曰

松摧兮柏謝鳳靡兮鸞訛捐珮玦兮不見尋我特兮修羅
幸多子兮翼翼紹防臨之繩墨澇澆滃滃有時湮淑德懿
行示此刻

誥封張母卹恭人墓誌銘

昔中壘傳列女多取柔嘉宣城紀婦宗不專節烈可知蘭
閨令範在凜三從柝館淑儀必全四德矣繫惟卹恭人者
四川直隸忠州知州

欽加知府銜張君星煒之配前明大司馬良之孫女九品
職應元之長女也汾陽之裔有大家風豎伯之苗率正直

性自于歸以後斗南君膺鄉舉從楊子安學於同州太守
署仲瑗宦達仍師康成根矩好游不問產業恭人則事李
太恭人有加焉奉匱承盥不俟雞鳴折枝滌臉弗假臧獲
時復挑魚燈而紡績書課驕兒對蟾月而杵碓裳寄夫子
時斗南奉挑以知縣用卽迎馨圃太翁入蜀恭人則奉丁
太恭人家居焉棧雲萬疊腸斷嗷綉瀾千重夢縈巴字
雖孟宗寄鮮時有魚來而曾妻蒸梨不聞狗叱其事姑能
謹也如此既而侍丁太恭人之任時斗南權築壁山賢能
日著歷任德陽大寧鹽源閬憲境內盜守遺金易于封中
民知買犢蓋恭人內助之力爲多楊敞之妻能決大議辛

毗之婦善用奇謀方之蓋無愧焉旋斗南擢知蓬州教匪
滋事賴防禦有備勦撫兼施黃巾猖獗畏皇甫之威青犢
陸梁憚子幹之荏大帥器之遂檄往軍中司團練事宜青
羌善戰擊刺如飛赤甲能軍步伍有律時恭人侍丁太恭
人病寓順慶府王尊叱馭薰蘭聞而情傷史慈荷戈鶴髮
勉而生疾恭人則自醫藥以至舍殮靡不中禮焉會軍務
需才斗南以奪情留川事竣補直隸州忠州子爲坦等乃
迓恭人至署蜀錦雖琴祗服阿錫半緝甚美僅餐藿葵其
儉樸又如此也樂辛之配力錫于杼機梁鴻之儀心枯于
井曰因以氣血之虧遂致痰嗽之厥子爲塏以州同職効

力湖南苗疆聞其革也乞假星剋猶冀速痊竟以不起嗚乎熊九何在霜歷慈籩菽字猶存月縣空鏡恭人生于乾隆辛未季九月初五日丑時卒于嘉慶丁卯季正月二十六日寅時得季五十又七牛眠未卜暫依魄于先姑烏日已揆乃埋骨于吉壤以道光某季某日葬寧陰縣八里東原坡禮也子四人長爲塏增生捐州同職加捐通判選授江西南昌府通判次爲坦從九投効銅營畱川候補次爲埭從九職銜次爲塏先卒孫男四人長錦邑優庠生恭逢道光三季

恩詔公舉孝廉方正爲塏出次鐸邑庠生爲坦出次謙業

儒次鈺幼俱爲塚出系之銘曰

先夫子而潛靈兮嘆厚夜之沈沈棄諸孤而謝世兮想德音之悵悵九泉既不可作兮烏知夫生者之春心

誥封荅德騎尉茂粵李君墓誌銘

今

上十二季封翁李君以疾卒將揆月日葬于兆域嗣子萬季持狀詣涼泣血請曰先人不幸溘逝矣其幽竈之石句君銘之以垂永久君其勿辭予曰誥謹按狀君秉性愿慤弱冠如成人里黨長者以遠大期之入塾讀書刻苦有慧解務窮奧變爲文負奇氣不規規于萬繩宿儒爲之咋舌

顧屢隕于童子試乃慨然曰奚必青此衿而後榮吾親力
田獨不得奉甘旨乎遂棄篋帙秉隄劔與傭人雜伯又以
時溫清抑搔市鮮薦馨以博二老歡後復爲懋遷計奇贏
逐什一之利家用是阜尤友愛二弟推多取少無稍斷斷
夫好貨財私妻子習俗儂薄之風比比皆然君則矯之蓋
其敲篤雍睦自性始也會以子貴遇

覃恩誥封爲荃德騎尉

命下之日戚友剡聲赴賀咸以爲茂德之所致君則嗾然
如不勝顧萬季曰吾家夙寒微汝幸受

國恩當思所以報稱毋或勸惰以速官謗戚友咸領之蓋

君之識大體也如此君諱芍字茂琴陝西岐山人于嘉慶丁卯季四月二十四日卒距生于乾隆己未季六月二十三日享季六十又八娶梁氏無子又娶張氏王氏皆先君卒張氏生子一即萬季現任督標前營守備王生子二萬枝萬盈爲之銘曰

自昔孝子多爲祿仕越三古後仕不可恃是以力田服賈養侍何期嗣業隆隆誰起爰錫龍章以綏邇祉吁嗟詰人竟亦謝萎調德穆行鄰閭仰止泉室幽冥隴石莫擬惟此徽辭歷千百祀

誥授通議大夫廣西按察使程任齋墓誌銘

代宋梅生廉訪

粵聞秉缸信之質者必不嫌仁樹蔽芾之蹤者自能蔭樾
蓋在公禕隋本經術之弘淵抱德夸猷卜根嗣之縣秣今
于任齋程君見之君名卓梁字肩宇号任齋晚自署兼山
老人系出新安篁墩之後子琴著書曾受尼山之帛德樞
通學爰履司農之門涵其精苗源于謀甫先世自閩川京
山而建昌遷居宜黃盧愬徙靈昌鬱爲望族席衡居濠上
競說名宗君年十歲厥考象春翁謝世王節信是孤兒面
膺抱耻趙臺卿爲冲子撤裾著名母余太恭人愛其誠篤
好學令隨表伯祖黃庸齋太原任所肄業方十二齡也周
道祖之從范甯四姓斂襟韋德基之師劉顯十事剖疑迨

學術有成歸受業于鳳岡書院黃進士汲浪郭丹事公孫
執蒲緇而見重彭宣從張禹陪尊酒以侍言季二十四補
縣學弟子員鶚翮初翔正平膺薦之歲鳳毛在浴叔茂伯
檄之季邑耆宿丁公旭東一見器異以女許焉摯恂之妻
馬融由于碩學郭瑀之席劉昞是爲快壻乙亥應鄉試中
武弟十五名舉人盧肇奪錦標以歸邑令媵葺誼賁釋席
帽而返富戚墮驢遂于己酉科會試中式九十四名殿試
欽點主事改即用知縣溫成對策抉奧旨于天人季藹進
言作治民之龜鑑辛亥選湖南安福縣缺引

見調貴州開泰縣壬子到任迎余太恭人就養凡地方興

除一稟慈訓鄭善果之謨堂簡明允而心憚崔元暉之聖
善勸忠潔以色歡而以邇鉛妥速升都勻府丹江通判時
則楚氛不靖黔水又飛

上命大學士福康安征勦委君辦邇糧米君偕弟卓柱同
往塞蝨役之弊竇聯客民以親書數月之閒軍儲委積空
述之饑饉中無李平以掣肘桃豹之饋譙郡遇支當而飛
芻已而南籠狃苗滋事奉上官檄召募鄉勇催弁官前進
青羌果剛早熟龜環之地白芳精銳善演魚復之圖遂解
永豐州之圍總理一路勦撫事徹宵不寐者七閱月甲冑
蟣蝨沈文秀未辭勤勞餐宿冰霜段紀明實耐辛苦散翔

手治匱書馬上稍息莫多夜巡營壘申旦不眠而于被窩
者釋之陸梁者招之黠者旌功牌以消其逆謀愚者充夫
役以贍其口食故聞興霸之鈴聲不敢咳唾嗅簡輿之靴
鼻願歸農桑也廣順州舊無城奉馮巡撫光熊檄借州牧
築卡守禦立釣魚之城冉璉畫灰以審勢築遮虜之障博
德馳馬以臨戎既而總督勒保翼長常明奉

旨由四川帶兵至暫駐安南君乃繪圖上之大府以爲然
檄君守壩陽以衛廣順寧州有王罷齊韓軌聞之而返合
肥有韋虎魏中山見之而驚方賊之劫雞場打扒關也副
將王格畏不敢發君即帶兵四十名前進鎗斃賊首數人

葛洪書生竟奮矛以殺賊鄧禹文學乃被羽而戮渠君偵
知近寨之苗不樂從逆莫如散其黨羽乃可用兵遂以二
十騎至木廠招降李連成等與之同攻禽大頭目數十以
獻遂復壩場昔韋南康之取松州用降人爲鄉導俟盧叡
之蹙彌射因敵訶以成功有如此也厥後洞酒之役永豐
解圍歷捧鮐魯貢諸嶺險阻異常王尊過邛坂叱御而氣
彌豪士季隲陰平稟璽而志覆銳大帥錄其功奏

賞戴藍翎前已升授普安州知州嗣又薦擢台拱同知遂
檄委署興義府篆辦理善後事諭苗民各耕附近田土給
照爲永業龔遂治勃海佩犢者賣劍以買牛張綱牧廣陵

負隅者播琴而磨屨奉

旨換戴花翎補黎平府知府又以銅仁石峴苗白老寅等
倡亂巡撫伊桑阿檄君督勦所以安難民靖餘孽者極周
至枕席過師趙克國老子軍事刁斗撤響唐休璟善爲權
謀遂調貴陽首府升糧儲道丁母艱歸服闋赴部候選直
隸總督請

旨揀發道府吏部以名上奉

命馳至保定時滑賊肆逆勢甚猖獗君奉署總督章煦檄
彈壓景德二州故城等處地方緝獲賊目李盛德劉坤宿
元談劉功宋杓甲等數十人威明龜黃巾天地人之將軍

皆殪耿弇攻青犢東南北之苦晒咸殲乙亥冬奉

旨補授大順廣兵備道旋兼署清河道篆

仁宗睿皇帝駐驛之次問直隸總督那彥成曰大名道程卓梁何以未見奏云卓梁目近視行止不僂是以未令來差孔季彥之聲名早熟童穉韋孟達之姓氏久徹宸聰旋奉

旨授廣西按察使詣盤山

行在蒙

召見

溫諭有加扈從四日

養素堂文集卷二十六

恩賞食物三次卽赴任縣肺石以達民何敞理鵠亭之獄
縫采緹以弭盜虞詔展錯節之威洎署布政使自揣季衰
稟總督 奏請開缺權寵方隆王晞凜熱官之思冲恬思
退曼容深解職之歡而以失察屬員遲補虧缺奉
旨以五品休致又以同官未協

欽差刑部侍郎文孚鞫訊請

旨軍臺効力

君恩似海伯喈願荷戈長驅臣舉如山巨騰敢匿影逃避
子文綸等以君在黔兩次帶傷得有宿疾不能往措繳臺
費免戍奉

旨釋回原籍寂莫林園是孔苞省過之日婆娑猷猷爲廢
袞悔舉之秋值邑旱與宰畫策而飢者得食杜密不隱情
惜已豈是寒蟬申屠因樹屋讀書亦救緜玉繼乃主鳳岡
書院造士有法獲雋多人鄭北海之經學傳汜嚮與吳模
和令公之文章鄙香奩與金屑蓋自是而君已老矣自佗
生壙殆預占委化之期爰以庚寅季三月微疾不起嗟乎
君之才能李普濟之入巖入細君之事業尹翁歸之能蚤
能文赫赫在人耳目矣而其內行脩備尤有可言者其事
父母也汝郁真情伺疾病而不食石慶至性滌滌羈而即
安其睦兄弟也裴安祖讀鹿鳴不先下箸姜伯淮共大被

未嘗暫離晏平仲鑿楹之言傳于壤子范喬季貽覲之訓
示于蘭孫蓋其淳懿如此也君生于乾隆辛未閏五月十
七日寅時卒于道光庚寅三月十三日享年八十德配丁
淑人先卒子五人文綸文紹文綬文達文遠咸傳家業接
踵公沙之龍各蓄文才連枝燕山之桂悲松門之永闕苦
咽紼謳痛蒿里之不歸哀流薤露以某月某日葬君于某
原禮也余與君落岑氣合金石情堅回憶鐵鑄譚經班尹
陶陶于永夜銀缸覓句皮陸款款于終宵而又同官爲寮
因緣獲譴失馬塞翁安知非福折臂陶空翻得永季想秀
峯白鶴之花難禁老淚拊化臺黃腸之版載錄偉功系以

銘曰

休艾瑤源元岑潤葉兵謀縱橫書林漁獵早擢魏科爰綰
符帖女嬪遐方惠風扇筆忽起長蛇血人于耳募士戴鷓
唱籌量沙網開三面放豕走麕衙翼一條檄蜀諭巴苻晉
雄階克舒壯志風順毛豐波高舟駛觀察畿南又控戎轡
既獲赤脰旋禽白鼻

皇旌其庸司臬粵西春秋決獄草纓含悽持囊秉燭抱兒
顧妻如仁盛吉比慈莫題遼陽之謫豈曰不意箭瘢滿身
風霜異地乃以綏贖遂荷

環賜優游林泉感激蔭庇良策救荒邑少狎半善誘教士

梧栖鸞鳳古之少師規則攸章穆行雨澤調德蘭湯君今
逝矣誰俯予美天上黃星人閒綠耳佞指屈軼邪觸解豸
傷如之何光陰煮髀牛眠地吉馬鬣封崇鴻聲于外鱗植
在中靈脩何怨塗裕無窮我銘乎石何慚蔡邕

誥授朝議大夫卽用員外郎雲屏晁君墓誌銘

夫姑繇巨木枝蔭九州星宿洪流逕萬里晷其芘覆者
廣若鸞猶遜其餘光漸漬者深溪闊難言夫下濶况乃鵠
乎其慮里鄙被拊躡之仁鶩然有文莛林推甄綜之學豈
非表方之瓌榻正景之儀圭乎若我雲屏有可述焉君氏
晁名凝福字箕五又字雲屏西安府咸寧縣人襲平世業

潁水名宗家藏博士之書圖畱太史之術令真從掾位克
贊郡朝產伯典功曹董治郡閣載稽往牒可以前知君曾
祖鑑伯祖茂林祖盛林皆舍光隱耀抱蜀守孱羸其德而
善良多人飲其和而報稱何日君父陞由弟子員援例爲
員外郎濯翼清流蹇衣高岳陶規遵萬門律嚴於朝科愛
眾親仁庭誥播爲家訓咸贈祖若考爲朝議大夫君嫡母
周恭人庶母尤氏生君與弟迎福迎福嗣伯父坤後君幼
而愷定長卽端莊六歲就外傳誦筈不輟解結能通辨黃
初之鐘尊親若失識琅邪之稻人客咸驚年十九入縣庠
觥觴一角長麗九苞噍詩則擊鉢立成擗翰則屈釵如意

坐多名士校勘壁中之經會集高賢商榷裏之史識者
謂學堅文富問會不窮於龜觚風順毛豐騫騰定傳於雲
路不意荆鐘寶劍逢薛燭而斂鉞團鞞神駒遇孫陽而躓
足兩被鸚薦三歎珠遺士類惜之若其惠心有孚高情不
倦發雙弓之米黔婁與旌目俱蘇分重製之衣伯桃與芊
角胥暝蔽赤仄而婚葬舉何待假斗水于監河頒青粳而
疾病愈無須祈上池于扁鵲而且蒼書院與學署巾儒則
橫卷精廬脩道路與橋梁塗旅亦翔游莫夜其勤施嗜善
有如此者方君之少也伯父箴室王孺人實撫養之君永
懷咻噢默念顯揚以孺人守節爲請

旨得旌又以弟官請

封爲恭人周周之鳥依老樹而聲哀習習之魚戀回淵而
沫煦慈母如母敢忘苦由之文緣情竭情未倍苴桐之制
先是君以捐修石路各工大府上聞奉

旨賞直隸州同銜爲生母尤氏請

封爲宜人旌以守節合例呈請奉

旨旌表又以員外郎官晉封恭人劬勞聖善棘心激響于
寒泉樹背芳護蓬首誰容于膏沐欣

龍章之乍錫我儀瞑目于泉臺盼鳳誥之遙頒史氏揚徽
于彤管君之孝思不匱也又如此何期遺風駿臣莫遂節

雲吞海脩鱗竟難縱壑鵬在梁而誼息鶴栖宇而群隕以
微疾于道光十一年九月二十日溘逝得年二十又八嗟
乎王脩之雖不永年終爲逸品郭奉先竟鬱壯志豈非奇
才尅召玉樓長吉之龐眉如在修文乎夜顏氏之重瞳可
思妻傅氏爲候選布政司理問傅繼志公次女子葆源契
于十二年十一月十八日葬于北池頭祖塋禮也弟迎福
常棣情深鵲令誼篤悲松門之將闔悵蒿里之不歸再世
爲期聯袂共聽夫風雨精靈不沫奕禩應託于藻粵謁余
爲銘藉以紀實其辭曰

歲司鳩羽桓寬所言君乎推解信缸仁敲墮禽養翮涸鮒

游鱗彼順涿者滑性膠真惟木有風惟石有火恩斯勤斯
顧我復我何以報之心焉寸草以茲松操賁乃鸞藻所嗟
偉抱未獲展施珠沈玉碎蘭折蕙萎欲跼巫陽彼蒼茫茫
遮須有國其樂襄萃余也不佞每嗛掉磬愛君穆行得之
目證今則云亾頌儀弗見陵谷可遷金石不變

亾姬謝氏墓誌銘

姬氏謝貴州貴筑縣籍嘉慶癸亥冬余解玉屏組返里姬
始歸余時方十歲性聰慧稍長工鍼帶善焠飪佐冢婦承
堂上歡昕夕維謹楊孺人沒代鞠子女備極慈良癸酉春
余令蜀屏山侍板輿至署季已二十乃侍巾櫛凡內政均

付之艷艷有條每處糾紛更從容不迫屢生子不育私
嘗痛悼庚辰秋丁

先大夫艱返鄉理窀穸眷屬僑陝姬規畫內外事勦如也
今道光壬午春患咳嗽內熱醫診曰虛勞藥之余歸涼釋
服四月旋猶能步履夏酷暑姬善靜攝幸平安立秋後漸
思飲食竊喜可就痊也儻變證似二豎伯厲者延至八月
初九日辰時溘逝嗚乎傷已于是銘曰

胡天畀之才德而不豐以壽劬錄二十餘年終焉縣懃邁
藥石無靈罔逢俞倣視天夢夢兮烏知夜與晝

亾兒阿多墓銘

兒生于嘉慶二十一年二月二十一日以暑痢殤于二十
五年七月十九日卜葬于長安小雁塢前園隙地時道光
改元未踰年之十月初二日也

邳張而若穎秀而聰何命之鹽脆不克世以雄於虜余其
蛻褫裸朋靈妙遊戲霄壤不然辭錄事尋玉環仍侍吾顏